

Te taata 'toa, e ere te Tavana e te haava, o tei hingaaro i te hoe hohoa o tei enei *vea*, aufau mai ia e 3 farane no na avae etoru.

Faaau mai ia Tepito te nei parau i Papeete.

TE VEA NO TAHITI,

Ei haaparare raa i te parau rii api e faufaa hia i to te mau fenua i roto i te Hau-Tamaru; e nei ia i te mau mahana maha loa.

O te feia hoo taua, e te mau taata e haapao i te tau raa taua, e tia ia ia nei aloa hia ta ratou mau parau faaite i roto i renei *vea*, ia aufau mai ratou 1 farane no te reini hoe.

Faaau mai ia Tepito te nei parau.

NO TE MATETE.

E rave rahi te maa i afai hia mai i roto i te matete, o tei imi hia, e tei faaapu hia e to Tahiti nei. I te mau poipoi atoa ra hoi, te faauta hia mai ra ia te taro, te fei, te vaihaari, te umara, e te moa; o tahi pae, e na nia hia mai ia i te poti, e e na uta noa hia mai hoi tahi pae; te faaitoito atoa nei hoi te mau matacinaa e fatata mai i Papeete nei, i te tauturu raa tu i te feia taia no Moorea, i te uta raa mai i te ia, e navai ai hoi te titau raa a to Papeete nei. O to Papenoo atoa hoi tei itoitaito maite i te uta raa mai i te maa rii papaa i Papeete nei; e vahi poupuu roa hoi na matou te faaite raa e, te faaapu maite ra to taua matacinaa ra, te tanu haere ra i te mau maa rii atoa, e no taua itoitaito hoi no ratou ra, te rahi noa nei ia te maa rii papaa i roto i te matete, mai te pota, pipi, e tei reira 'toa ra hoi mau huru maa. Aita ra i rahi rea te puatoro; e ua huru ore roa hoi te puua tupai hia i te afai raa hia mai i roto i te matete. E vahi peapea roa 'tura hoi ia, o tei reira i mairi, inaha hoi, te rahi roa nei tahi paeau maa.

NO TE ANANI.

No faatomo hia aenei te pahi ra o *Favorite* i te anani, i Papeuriri, e ua reva oia i Port Philip (Panipe), mai na anani atoa e 300 tauatini i nia iho. E mea oioi rahi roa te faatomo raa i taua pahi ra; i roto hoi i na mahana rii hoe ahuru noa iho, ua faifai hia ia te anani, ua apapa hia i roto i te afata, e ua faauta hia hoi i nia i te pahi. No tei reira paha ohipa i huru maoro ai te rave raa i te mau aua hau e te purumu i roto i tei reira ra mau matacinaa; i teienei ra hoi, e faaitoito paatoa ia to te fenua nei i te rave raa i tei reira ohipa e tiai, no te mea, o te ohipa ia i hau e roa i te faufaa; aore hoi e aua hau ra, aita 'toa ia e maa ei faaamu raa i to te oire nei, e te mau papaa hoi e pinepine maite nei i te tapae raa mai tionei. Aita hoi e purumu ra, eita 'toa ia e maitai te haere raa, mai tetahi matacinaa 'tu i tetahi.

I te *VEA* no te tapati i mairi aenei, ua faaite hia 'tu ia e, ei te mahana 15 o Eperera nei, e aufau hia 'i te moni a te feia toroa toa o Tahiti e Moorea, ua na reira hia hoi, ia ore ia taupupu te mau ohipa ta ratou e rave haere nei. I teienei ra, te fatata nei taua mahana ra, a haapeepee na ra, ia oti hoi te mau aua hau, e ei te mahana 15 o teienei avae, e aufau hia 'tu ai ta outou na moni toroa, i Taravao, i Hitiaa, i Papeuriri e i Papeete. O te ohipa purumu anae atura ia te toe i roto i vetahi mau matacinaa, e i tahi pae

matacinaa ra, o te vaere anae ra ia. O teie hoi e parau hia 'tu i to Tahiti nei, te na reira 'toa hia 'tu nei ia i to Moorea, e rave atoa hoi ratou i te mau ohipa i titau hia mai e te ture e tiai.

O te pahi ra o *Dumont-d'Urville*, o tei hoo i na anam e 250 tauatini, e na taporo hoi hoe ahuru tauatini i roto i te matacinaa ra o Teahupoo, ua toma ia pahi, e ua reva i Tarifonia. Aita ra i oici tons faatomo raa hia, mai to te pahi ra hoi o *Favorite*. E feia faatau rahi roa to Taitarapu, aore a hoi to Teahupoo e to tei reira ra mau matacinaa i faauta mai i te maa i Papeete nei; aore ra to Tautira e to Pucu, te pinepine roa mai nei ia to ratou mau poti i te tapae raa mai i Papeete nei, i te uta raa mai i te maa. E vahi poupuu rahi roa hoi tei reira, e te parau noa hia 'tu nei a tei reira tau matacinaa, e e faaitoito maite a i te uta mai i te maa i roto i te matete nei. Te vai noa na hoi te moni i roto i to outou na mau rima, e i naha i te enei, aita 'tura i tia ia outou te haere mai i teienei vahi poto, i te faauta mai i ta outou maa, e hoo i te *piru*.

E maa bapa iti tei itea i roto i te *VEA* no te tapati i mairi aenei; ua parau hia hoi e, e 350 farane i roa mai no te umara no roto i te aua hau i Papenoo; e 330 rate mea mau, o tei roa mai no na paero umara e 33 i hoo hia. Ua aufau hia 'tu hoi taua moni ra i roto i te rima o te Tavana, te haava, e te hui-raatira, mai tei faue hia mai hoi e te ture. O te pae o te tuhaa ra, ua aufau hia 'tu ia i roto i te fare vai raa moni a te haa, e e 264 i opere hia 'tu na taua feia toroa, ra e utua tia hoi ia no ta ratou chipa. E 66 farane i roto i te tuhao hce.

(Parau i iriti hia mai no roto i te *Vea* no Tarifonia).

Ei na mahana matamua o Eperera, e reva 'i te pahi auahi api ra o *Golden Age* i Nin-Holane (Panipe). Te faaaineine hia nei oia i teienei. E pahi api oia, e te tere rahi, e e mahere i te oioi roa tona tere i Auseteralia.

E riro hoi taua pahi rahi ra i te tapae mai i Tahiti nei, e hoo i te maa e te arahu.

Parau no ALI BABA e na eia e maha ahuru.

Iriti hiamat no roto i te mau aamu Arabia, i parau hia e, o MA PO TAUATINI E MA HOK.

Haamata hia i te *Vea* no te mahana 3 no Febuare 1853.

Aratai roa tura tei reira i tona raatira i te pu-

rumu tei reira taua fare ra tei tapao hia e ana, ia hio ra hoi te raatira, e rave rahi te opani fare i tapao hia, ui atura oia i te taata i tapao e, tei hea mau ra tana i tapao. Peapea roa tura taua eia ra, e aita aera i tia ia parau noa tu, ua parau noa tura ra e: hoe noa iho i tapao hia eau, na vai atura ra teie atoa nei i tapao, aita roa tu au i te.

Hoi roa tura te raatira i te vahi tei reira tona mau taata te parahi raa, e ua parau atura oia e, e tere faulaa o e roa to ratou, e hoi faahou ra i te aru e tiai.

E ia tae taua nana toa ra i te ratou puhapa raa, faaite atura te raatira i te mea i faahoi hia mai ai ratou. Faautua anae atura ratou atoa i taua taata i tapao i te uputa ra i te utua pohe. Aita toa hoi oia iho i faahapa noae i tei reira utua, no te mea, te parau ra oia e, nana iho te hape. Faatoro mai ra oia i tana omi, i o tei tapu hia i reira ra.

No te mea ra e, eita e tia i taua nana ra te vahi tahoo ore noa i te feia i rave mo mai ia ratou, na tia mai ra te hoe no roto i taua nana eia ra, i te parau raa mai e, oia te haere e rave i taua ohipa ra, faatia papu hia mai ra tei reira, i reira to taua taata eia ra haere raa ia Baba Mustafa ra, eua ui onono raa tu iana ia faaite mai i te fare o Ali Baba mai ta te tahi atoa ra te huru.

E ua faaite mai ra Baba Mustafa i taua eia ra i te fare o Ali Baba, mai te tapoi hia i a tona mata. Tapao atura taua eia ra i te tapao uteute i te tahi vahi itea ore hia ia hio. A manao ai oia e e ravea papu e teitea maitai hia ia hio, e aore atura i au i te tapao uouo i mutaaoho ra. Aita ra i maoro rea, haere mai ra Mogiana mai roto mai i te fare, mai tana ia i na reira i mutaaoho ra, e ia tae mai oia e ia hio i taua tapao uteute ra. Ua imi noa iho ra Mogiana i tona manao no tei reira tapao uteute, eua tuu ora i te tapao uteute i nia i te mau opani atoa i te mau fare i pihaiho i te fare o Ali Baba.

Taua eia ra, a hoi atu ai oia i roto i te aru i tona ra nana, faaite atura oia i te ravea i roa iana, ua parau atura oia ia ratou e i te raatira o te nana. E mea itea noa hia: e ore e hape to Ali Baba fare i te tahi mau paeau fare. Manao aera te raatira e tona toa ra mau taata e ua itea te ravea. Haere atura taua eia ra e te raatira o te nana eia i roto i te oire, mai tei mataaiho ra te

huru, mai te mauibaa, i te faaineine raa ei rave raa tu i ta raa e imi ra. E tae mau atura taua eia i aratai ra, e te raatira, i te purun a mau i te fare o Ali Baba; hio atura raa na tapao haere atoa hiate opani i te mau fare i pihaiho, mai tei mutaaihora te huru. Riri roa a era te raatira o te nana eia, e e taata eia toa i te peapea noa raa, riro atoa tura mai ta te tahi i rave ra te huru.

I reira iho ra to te raatira parau raa i tona mau taata ia hoi faahou i te aru i taua mahana a. Rahi atoa aera to te raatira o te nana eia riri i tei na mutaaoho ra, no te mea riro atura hoi taua taata eia i tona hia ra ei baavare, i te vaha-vaha raa tu ia ratou, faautua atoa hia tura taua taata eia ra mai te tahi atoa i pohe ra te huru.

Ei te Vea no te tapati i mua nei te toe.

Te mau pahi i tapae mai, mai te mahana 1 no Eperu.

Manua farani o *Durance*, tomana Vincent, mai Matuita mai.

Tira piti manua farani o *Nuuhiva*, tomana Boulangé, mai Raiatea mai.

Tira piti farani o *Temarie*, tapena Tavi, mai Paumotu mai.

Pahi auahi marite o *New-Orleans*, tapena Wakeman, mai Tarifonia mai.

Patia ia marite o *Rodman*, tapena VVillem, mai tua mai.

Tira piti marite o *Excel*, tapena Cowin, mai Tarifonia mai.

Tira hoe beretane o *Oberon* tapena Triscot, mai Panipe mai.

Tira piti Hawaii o *Reindeer*, tapena Morisson, mai Panipe mai.

Te mau pahi i reva.

Tira piti farani o *Noma*, tapena Alexandre, ua reva i Valaparaíso.

Tira toru beretane o *Sarah Hooper*, ua reva i Panipe.

Tira piti marite o *Excel*, ua reva i Raiatea.

Te eë no te Tavāna : BRIOT.